

衛輝府志卷末

舊志序

康熙三十三年六月

巡撫河南等處地方提督軍務兼理河道兵部右侍郎兼都察院右副都御史顧 憲票照得該府各屬中送志書本部院已經核定合發原本前去以憑採輯爲此票仰衛輝府官吏文到即將各縣志書酌採纂入府志內有批改粘簽之處仍飭各縣改正刊刻另呈其府志定限兩個月內先具清稿詳送本部院核入通志以彰文獻以垂永久毋得遲延速速須票

衛郡舊志序

張衍慶

兵部侍郎郡人

衛輝府志

卷末

舊序

一

嘗謂誌廼史之流裔郡曰誌於國曰史也周官職方氏掌天下之圖小史掌邦國之誌士訓道地圖誦訓道方誌凡以觀俗辨方察隱軌物以章章而化化也設官圖治之法未嘗不仰嘆往昔先民之作之善矣此誌之所由作也衛之誌漫無足證夫不作罔述其何以備物示象以信古而傳後不徵不信典廢而治無可稽矣此志之不可無作也雖然繁寡要失之蕪諒寡斷失之固聞寡文失之陋附會寡核失之疑志焉用哉申公今之聞人也嘉靖癸未來守衛郡慨念衛在殷周俱爲名邦惜其誌散缺未全遂捐俸貲彙集成書是故觀之星野以正其域詢之耆舊以殫其

聞彙括經傳以悉其事夫首之以圖境王制明矣次之以俗賦物軌著矣次之以人物詞翰勸戒明文獻備矣是故不費於詞而其義足也不膠於迹而其見遠也不牽合於私比昵於情而其心公其□嚴也凡職方氏小史之所掌士訓誦訓之所道兼舉無遺百餘年未備之文獻六越月而考成公之校讐裁潤亦既厥心後之考撰而驗治者炳炳可稽惟不厥休矣其贊成之者郡人侍御阮君吉惟一助教尙君賓邦徵舊存草畧承委而參考之者郡庠教授李君遇春相率生員劉希會趙時相輩同效勤勤其摠理而大成之者則公也公 洽優厚深於文者此特其餘

衛輝府志

卷末

舊序

二

緒耳他如以文飭吏事豈弟孚而慈祥字暮月而民奠三年而治成固本末體用之素具者有大君子錄而升之焉不敢贅公諱綸字廷言廣平永年人

修志舊姓氏

康熙三十三年修志總裁官 河南巡撫顧汧 布政使

李國亮 按察使胡介祉 驛鹽糧務道祖文明 提督

學政陳義暉 河道周銓元

纂修官 衛輝府知府胡蔚先

分校 通判曹熙 府學教授馬振龍 訓導趙和璧

汲縣進士李芳辰 新鄉舉人任昌期 輝縣進士孫淦

獲嘉縣舉人賀振龍 淇縣進士高遐昌 胙城舉人
趙吉徵 汲縣歲貢楊貢瑤 汲縣拔貢王壽康

舊志跋後

胡蔚先

郡守西蜀人

汲郡古衛國昔吾夫子所稱庶富地也慨白明末洊厄
歲凶慘懼寇氛蹂躪兼以疫癘大興民之死者胔骼縱
橫生者拋業他徙遂致丁消土滿其田疇廬舍葬爲坵
墟深沐

皇朝撫綏咻噢之恩流離間返生養蕃息漸闢污萊故稍
有起色究如大病之餘元氣尙未充裕雖戶口略增而
田多謙鹵維莠驕驕者彌望家鮮蓋藏素封絕少予麾

衛輝府志

卷末

舊姓氏

三

守六年稽之誌記詢之遺老所云稔悉貧瘠一膺歲歉
流亡卽起殊費招徠幸俗安儉樸勤於耒耜無囂訟心
所謂瘠土之民勞古昔之遺風猶在惟賴身任地方之
責者不事煩苛予之寧靜教養兼施庶免中澤哀鴻之
思而曠土得以漸成樂土耳予捧

院臺續修順治十六年以後郡乘之檄自慙閭陋慮多
掛漏之譏粵稽舊志如衛紀自康叔肇封迄於衛君角
以洎鄉賢人物首列三仁次叙蘧瑗史鮒史狗公子荆
輩下迨吳起苟變若而人舉凡言之有涉衛邦者統編
志內爰考詩經鄘風定之方中首章楚宮箋註乃自懿

公爲狄所滅後文公徙居楚邱營制宮室國人義之故此詩之所由作也按九域廣輿諸書楚邱卽今北直大名府之滑縣夫文公旣遷於滑不復來歸則文公以後二十四君三百年間人物邱陵古蹟應繫之滑明矣胡以夫子之擊磬處及靈公南子墓君子村伯玉墓諸事蹟復載之衛志何哉竊意始輯郡志者爲元學士王秋澗其人家於汲借才於滑爲桑梓榮故爾迨購滑志訂讐源流根蒂而滑志亦復廣採窮搜遠掇顛頊帝嚳所葬鮒觸之邱旁撫豕韋氏豢龍之井罔弗覩縷纂編旣詳且盡矣蓋廉泉讓水居鄉者猶艷稱之詎春秋以迄史

衛輝府志

卷末

舊跋

四

記時如許國君沿襲紀傳諸聖賢出處事業關世教而繫人心者豈無文獻遺踪足徵反弗片詞述及則作滑乘者焉肯自爲削色簡漏貽譏若是耶蓋亦必是有說在也予故於衛君世系以及人物鄉賢未便因徙居楚邱之文俾夫子擊磬深懷過化存神之跡并子思子路子羔諸賢暨多君子千古出處大節遽爾一筆刪削頓使湮沈致無着落茲存疑仍錄於篇識以辯跋以竢博洽多聞者續爲考訂

雜說

城三

圖

前明建封潞藩拓城穴土得物者三鼎尺許渾樸無華欵似中鼎瓶一蓋古

鑑二質均文殊扣之無金聲咸佑
之遺也出惟厥時因得稱瑞云

牴詭

獸名以石為之在府治前說
文云此獸性耿直能逐邪佞

汲塚

在縣西南二十里魏安釐王葬處也晉太康二年
汲人不准盜發得竹書數十車世號汲塚周書

衛輝府志

卷末

雜說

五